



Awe nochi ta e nochi di Tumba

ORANJESTAD – Carnaval 60 ta den riba su haltura y awe nochi e lo yega na su climax ora cu e tumbanan wordo zona, den e di 44 festival di Tumba, cu lo ta dedica na Papito Rafael y Frank Kock. Un total di 34 cantante y 15 banda lo forma parti di e festival grandi aki. Naturalmente ta spera un cantidad grandi hende awe nochi, pa asina muestra nan sosten na e participantenan. E participantenan y nan respectivo banda ta como lo siguiente:

1. Zeta Band lo ta compañaando 2 participante. Richard Quandt "Tattoo", kende lo bay bin cu e cancion "Boca Abao" y Jurick Salomon cu e cancion "10 pa 60".
2. Tsunami lo bay bin cu 3 cantante. Anoushka Odor, ex reina di Tumba, kende lo bay bin cu e cancion "Tin Fiesta. Michel Almery lo bay bin cu e cancion "Caya e ta Bay". Rodrick Franken "Rocco", lo bay bin cu e cancion "E Flor di mas Bunita."
3. Los Hijos del Sol, lo ta compañaando un solo cantante, den persona di Oswald Tromp "Ozzy", cu e cancion "E Cuashi".
4. Upgrade Music lo ta compañaando dos cantante, den personanan di Carlmichael Bikker, cu e cancion "Tumbology" y Janiro Eidsen "Atanero", cu e cancion "Respet p'e Dede".
5. Solo Banda Show lo ta compañaando 3 cantante. Jeffrey Kelly, kende ta cla pa e reto pa retene su corona, cu e cancion "Briya nos cosecha". Marlon Willems lo bay bin cu e cancion "Bras'e bay cun'e" y Guilfred Besaril lo bay bin cu e cancion "Ata Curason a Yega."
6. Simplemente Pa Bo lo bay bin cu dos cantante. Quincy Hasham lo bay bin cu e cancion "Aruba ta Bendiciona" y Francis Jacobs lo bay bin cu "Aruba ta di nos tur." Lamentablemente e di tres participante, Gabriela Krozendijk no lo ta participando e biaha aki.
7. The Failures lo ta compañaando Etienne Janga, cu e cancion "Caya cun'e".
8. Tumberito Band lo ta compañaando tres cantante. Alexander James, cual cancion lo ta un sorpresa pa awe nochi. Eunice Alberts lo ta participa cu e cancion "Palabra Cla" y Raul Piar lo ta participando cu e cancion "Cos bon so".
9. Je' O 297 lo ta participa cu dos



cantante. Jersey Isenia "El Principe", lo bin cu e cancion "Ban Rebib'e" y Chanella Lopes lo bay bin cu e cancion "Pone Pia abao".

10. Rincon Boyz lo bay bin cu 5 cantante. Manuel Da Silva lo bay bin cu "Style di Portugues". Sigui pa Gilbert Raven Jr. cu e cancion "Ki Alegria". Shinton Arends lo bin cu e cancion "Padilanti nos ta bay". Loutiza Raven lo bin cu e cancion "Henter nos



bida t'un obra di man" y por ultimo tin Chendell Beaumont cu e cancion "Honor na nos Mannan".

11. Scol di musica Rufo Wever lo bay bin cu dos cantante. Chico Kock, cu e cancion "Duimche pa nan" y Raymond Tromp, cu e cancion "Parti den tres."

12. D'Licious lo bay bin cu 6 cantante. Mark Anthony Gonzales lo bay bin cu e cancion "Nos tambe t'ey pa



celebra". Flanegin lo bin cu e cancion "Paraiso". Rene Samson lo bay bin cu e cancion "E yabi maestro". Ronwayne Kock lo bay bin cu e cancion "Carnaval ta bisti di gala" y por ultimo ta haya Jerrino Ridderstap cu e cancion "Aplauso P'e".

13. Grupo Takla lo bin cu un solo participante, den persona di Albertson Kelly, cu e cancion "Drecha mi pa mi bay".

14. Orquesta Badu lo bay bin cu un solo participante, kende ta Oslin Trimmon, cu e cancion "Pueblo". Lamentablemente ex rey di Tumba, Ito Dania, lo no ta participando.

15. Papito y su Biba Lekker Band, lo bay bin cu un solo participante, den persona di Jair Boekhoudt, cu e cancion "Bou di bo kokodek."

Durante e festival aki tin dos banda cu no lo ta participando, cu ta OREO y Quality Sound.

Ta premira cu e anochi lo consisti di presentacionnan di un calidad hopi halto, unda cu cantantenan di antes, esunnan "di semper" y cantantenan cu ta participa pa nan di prome biaha lo hiba un bataya fuerte riba stage pa e titulo maximo di Rey of Reina di Tumba.

No warda te ultimo momento pa no perde tempo para den rij, pero pa pasa mas pronto posibel na SAC pa nan ticketnan. Tur banda y cantante a wordo pidi pa yega tempran, pasobra lo tin tiramento di lot pa 7'or di anochi, pues net prome cu e festival mes ta cuminsa pa 8'or. E comision organisado a bin cu esaki pa prome biaha e aña aki pa crea mas emocion y suspenso cerca e participantenan y den publico.

E ensayonan a bay hopi bon, segun e bandanan, y tin hopi composicion fabuloso pa entretene e publico Carnaval 2014 ta e Carnaval di Tumba, unda cu e trabao di e miembronan di hurado lo no ta facil, mirando e calidad di Tumba cu tur aña ta conoce mehoracion. Y pues, no solamente ta wak un gran cantidad di participante, pero tambe un nivel mas halto den calidad di composicion y presentacion.

E Festival di tumba ta priminti di bira hopi grandi y lo ta un anochi yena cu musica, ritmo, sabor y baile.

Ticketnan ta na benta na oficina di SAC y na porta pa solamente 25 florin pa persona. Bini un, bini tur. □